

Чир-чайаанның табыстарына көөгіп пүткен сөстөр

Чир-чайаанның табыстарына көөгіп пүткен сөстөр пір дее көңнілерні, сағыстарны көзітпинчелер, ниме идерге хығырбинчалар, олар олаңай истілчеткен тапсағларны, хысхырығларны, аң-хустар сығарчатхан табыстарны читірчелер¹.

Чир-чайаанның табыстарына көөгіп пүткен сөстөр:

- 1) кинетін кізідең сыхчатхан, кізінің көңнін таныхтапчатхан сөстөр (хатхы, күлкі, ылғааны, сыхтааны, сығырғаны паза ан.п.);
- 2) аңнар паза маллар табыстарына көөгері;
- 3) хустар табыстарына көөгері;
- 4) хурт-хоостар сыылаанына көөгері;
- 5) сууласха, күўлеске, сыңырасха, ығырасха, тоғынчатхан машина табыстарына, чир-чайаанның табыстарына (үннеріне) (чил, наңмыр, чалын, ан.п.) көөгері.

1) Кинетін кізідең сыхчатхан, кізінің көңнін таныхтапчатхан сөстөр (хатхы, күлкі, ылғааны, сыхтааны, сығырғаны паза ан.п.)

-ха-ха/ -хи-хи, ох-хо-хо — тың хатхырчатханға, эресчеткенге көөкчеткені: *«Ха-ха!»* - иреннернің тадырада хатхызы чиде салған (НД, БІА); *Анчада Оралдай пазох кідіреде хатхыр сыххан: «Ха-ха!»* (ИК);

-сыых-саах — сыыхтаанға, сығырғанға көөкчеткені: *Олғаннар сыых-саах түс сыхханнар;*

-ыы — ылғапчатханын таныхтапча: **-Ы-ы...** *Че ол чоохтан полбинча, - сүт ізип ала, алыхтанған пала (АХ, А);*

-ыңаа-ыңаа — час пала ылғапчатханына көөкчеткені;

-сыр-сар — олғанның ылғапчатханына, сыңзыпчатханына көөкчеткені;

-ыың-ааң — хыңзыпчатханына көөкчеткені;

паай-паай — узутчатхан сарынның сөстері: *паай-паай парарға;*

¹ Грамматика хакасского языка. - М., 1975. - С. 132.

-ныс-ныс/-мыс-мыс/-мыс-мас — сыылапчатханға көөкчеткені: *Хызыл иріннерін хыза тут салған, көні пурнынаң мыс-мас тынглаан (ТБ);*

-мычыр(т)-мачыр(т)/-мырт-март — пірее ниме тайнапчатса, сыхчатхан табысха көөкчеткені: *Мыс-мас тынча, мычырт-мачырт тайнанча, - көре хоргыстыз (СЧ);*

-порт-парт — пірее ниме пулбыранчатханға көөкчеткені;

-хырт-харт — сілегейні алай суғны азырчатса, истілчеткен табыс: *Анда-да аның чілбірең харахтары хазыра тарта халча, сілегей тамаанзар чылбырап, хырт-харт түс сыхча;*

-хм/-гм — ікінчилесті, киртінминчеткенін таныхтапча: *«Гм!» - тіп поэты алынча чоохтаныбысхан;*

-тыдыр-тадыр/-тылбыр-талбыр — тузазы чох чоохты таныхтапча;

-неп-неп — кізі ізіг нимее тееп парза, сығарчатхан тапсағларны таныхтапча;

-бр-р — кізі соохха тоопчатса, сығарчатхан тапсағлар;

-ныш-наш/-ныш-нарт — пірее нименең хорых парған кізінің чүреенің тоғызына көөкчеткені.

2) Аңнар паза маллар табыстарына көөгіп пүткен сөстер

-аг-аг-аг, ав-ав-ав — адай үрчеткеніне көөкчеткені;

-ыр-р — адай алай пүүр ыыранғанына көөкчеткені: *Пүүр, кинетін пазын көдіріп, пурнынаң чыстап ала тіпче: «Ыр-р-ыр-р! Минің пурным кізі сизінче» (фольк.);*

-мүү, муу — інек мүүрепчеткеніне көөкчеткені;

-маа/ма/бэ-бэ — хой марааныны көөкчеткені;

-мее/ме — хурағанахтар мараанына көөкчеткені;

-мээ/мэ — өскенің мараанына көөкчеткені;

-чап-чуп — сосханың алай адайның чаплатчатханына көөкчеткені;

-сыых-саах — күскелернің сыых-саах түсчеткеніне көөкчеткені;

-паг-паг/-по-бу, по-бу — пағаның тапсаанына көөкчеткені;

-ш-ш-ш — чыланның сыылаанына көөкчеткені;

-у-у-у — пүүрнің алай адайның улчатханына көөкчеткені.

3) Хустар табыстарына көөгіп пүткен сөстөр

-ке-ке-ре-ку! «*кукареку!*» - петухтың тапсаанына көөкчеткені: *Петух хана үстүне сыгып алып, хысхыр сыххан: «Ке-ке-ре-ку! Ке-ке-ре-ку!»*;

-хат-хат-хат/-кут-кудах — таңахтың хатлаанына көөкчеткені;

-хаах-хаах — хастарның алай өртектөрнің хахтапчатханнарына көөкчеткені: **-Хаах-хаах!**» - *суз үсүнче іргек хас учух чөрібіскен;*

-хаах-хаах/-кар-кар — харғаның хахтапчатханына көөкчеткені: **«Хаах!»** - *хысхырыбысхан ол туста уйдаагы харга;*

-хоох-хоох — голубоктарның үүктесчеткеннеріне көөкчеткені;

-пучуп-пачыр — хусхацахтарның пычырасчатханнарына көөкчеткені;

-чыгыр-чагыр — поратайларның чыгырасчатханнарына көөкчеткені;

-кек-күү — көөктің тапсапчатханына көөкчеткені;

-хорт-хорт — хартығаның табызына көөкчеткені;

-таарт-таарт — таарттың тапсаанына көөкчеткені;

-түр-түр — торлағанның тапсаанына көөкчеткені;

-түрли-түрли — күркүнің тапсаанына көөкчеткені;

-хычыр-хачыр — саасханның хачырапчатханына (алай сайрапчатханына) көөкчеткені;

-сыых-саах — хусхацах палазының сыыхтаанына көөкчеткені;

-у-гу-у/-ух-у-ух — үгүнің табызына көөкчеткені: *Харасхы поларынаңох, хайалыг тагзартын үгү табызы пір оңдайнаң: «-У-гу-у, ух-уух» истіл сыххан (ИК);*

4) Хурт-хоостар сыылаанына көөгіп пүткен сөстөр

-з-з-з/-ыы-ыы — сеектер, аарлар сыылаанына көөкчеткені: *Учух париза — з-з-з сыылапча, чирге түссе — чир хасча (сиспек);*

-чыр-чар (сыр-сар) — тырлос (*саг.* чырлаас) чырлаанына көөкчеткені;

Идер тоғыстар

1. Хығырыңар. Табыстарға көөгіп пүткен сөстерні адаңар. Хайдағ пөлікке кірчеткеннерін таныхтаңар: а) кизи сыгарчатхан; б) аңнар-хустар сыгарчатхан; в) хурт-хоостар сыгарчатхан; г) чир-чайаан сыгарчатхан.

1. — Ох-хо-хо, — чоо хатхырча Конгыр сват. — Хайдағ министр? Килбес ол пеер. (И. Топ.) 2. Пүөр, кинетін пазын көдіріп, пурнынаң чыстап ала, тіпче: «Ыр-ыпр! Минің пурным кизи сизінче». (ХЧ) 3. — Эж! Позытпа, Миша абаай, суура толған, — сыых-саах ла түсчеткен ол. (Г. Каз.) 4. — Хыс оғырлиры нимес пу сағаа, ха-ха-ха, — харах суғланғанха хахаңнасчалар иреннер. (Г. Каз.) 5. Харасхы поларынаңох, хайалығ тағзартын үгү табызы пір оңдайнаң «у-гу-у, ух-у-ух» истіл сыххан. (И. Кост.) 6. Ағас аразынаң мылтых табыстары тыш-таш ла истілген. (ХЧ) 7. Чалынның ухтар үстүбісче, арабысча сың-саң на түсчеткеннер. (И. Кост.) 8. Үгү апсах, тізең, үзигі чох ырлаан:

Харағым хызыл полбаан полза,

Ханның хызын аларыхпын, ү-ү.

Чодам түктіг полбаан полза,

Чонның хызын аларыхпын, ү-ү.

(чонни)

2. Аймах-пасха табыстарға көөгіп пүткен сөстерні табыңар. Оларның тузаларын чарыдыңар.

1. Тура кистінде тыш-таш ла полчатхан. (Н. Тин.) 2. Сапчоос, аар сөөктіг, пулуттап ла парған тигірге төйі көрімніг кизи, орғанны оода пас париған чіли, ығырт-соғырт төзектең көдірілібөк килген. (К. Нерб.) 3. Хус уйазында хусхахах палалары пухыр-пахыр ла полчатхан. (И. Кост.) 4. Нидиле пазынаң тимір адыхах, пых-пах түспинең, хыра тартып пастаан. (Г. Каз.) 5. —

Э-э, хурай-абах, — сағын салған ол поэзияның алыны, — хахан-хаханғыдағы
нимелер түске кірчеткенін көрбессің ме. (Г. Каз.) 6. Соох хараада ығырт-
соғырт ырахтын истілеткен. (И. Кост.) 7. Сах андох олар анда ідіс-хамысты
хоғдыр-хағдыр түзір сыхханнар. (А. Султ.) 9. Ол, хам чілі чоохтана, табалдыр
парча, а хола тазы «тук-тук, так-так, тук-тук, так-так» иде матап сыңырапча. (Н.
Тин.)

Литература

1. Боргояков В.А., Медведева М.А., Кызласова И.Л., Чебодаева Л.А. Хакас тілі. Морфология (Пос алынча чоох чардыктары): үгредіг пособиеси/ В. А. Боргояков, М. А. Медведева и др. – Ағбан: Н. Ф. Катановтың адынаң хакас хазна университетінің издательствозы, 2018.
2. Грамматика хакасского языка [Текст] / Под ред. Баскакова Н.А. – М.: Наука, 1975.
3. Сравнительно-историческая грамматика тюркских языков. Лексика [Текст]. – М., 2001. – С. 692-693.
4. Хакас тілі. Морфология [Текст] / 021700.02 Филология (Хакас тілі паза литература) специальностьча үгренчеткен студенттерге үгредіг пособие / филнд Карповтың В.Г. редакциязынаң – Ағбан: Н.Ф. Катановтың адынаң Хакас хазна университетінің издательствозы, 2004. – С. 38-45.
5. Хакасско-русский словарь = Хакас-орыс сөстік. – Новосибирск: Наука, 2006. – 1114 с.
6. Чебодаева Л.И. Хакас тілінің практикумы. 050302 — Хакас тілі паза литература специальностьча үгренчеткен студенттерге үгредіг пособие / Л. И. Чебодаева, А. Н. Чугунекова, М. Л. Тахтаракова; филнк. Л.И. Чебодаеваның редакциязынаң. - Ағбан: Н.Ф. Катановтың адынаң хакас хазна университетінің изд-возы, 2009. - 149 с.
7. Ekrem Arıkoğlu. Örnekli Hakasça-Türkçe Sözlük. Ankara: Akçağ Yay.